

ՏՐԱՎՆՍ ԿՈՐՈՒԹՅՈՒՆՆԵՐ

Մայիս 2023

IDAHOBIT
2023

←-26

A hand is shown holding the top corner of a rainbow flag, which is waving against a bright blue sky filled with soft, white clouds. The flag's colors are vibrant and clearly visible. The overall mood is positive and celebratory.

«ՄԵՆՔ ՆՈՒՅՆՆ ԵՆՔ ԲԱԶՄԱԶՈՒՄՆԻԹՅԱՆ ՄԵՉ» ՓՈՂՔԱՍՏԵՐԻ ՇԱՐՔ-----	2
ԱՐԱԳ ԱՐԶԱԳԱՆՔՄԱՆ ՕԳՆՈՒԹՅՈՒՆ ԲՈՆՈՒԹՅՈՒՆԻՑ ՏՈՒԺԱԾ ՏՐԱՆՍ ԱՆՁԱՆՑ ՀԱՄԱՐ-----	3
ԻՐԱՎՈՒՆՔԻ ԿՈՂՄ ՀԿ-Ն ԻՐԱԿԱՆԱՑՆՈՒՄ Է ՀԵՏԱԶՈՏՈՒԹՅՈՒՆ-----	4
ԻՐԱՎՈՒՆՔԻ ԿՈՂՄ ՀԿ-Ն ՀԱՅՏԱՐԱՐՈՒՄ Է ԵՐԿՈՒ ՆՈՐ ԴԱՍԸՆԹԱՑԻ ԸՆԴՈՒՆԵԼՈՒԹՅՈՒՆ ՏՐԱՆՍ և ԼԳԲԻՔ ԱՆՁԱՆՑ ՀԱՄԱՐ-----	5
ԱՊՐԻԼ ԱՄՍՎԱ ԸՆԹԱՑՔՈՒՄ ԻՐԱԿԱՆԱՑՎԱԾ ՄԻՋՈՑԱՌՈՒՄՆԵՐԸ-----	6
«ԻՐԱՎՈՒՆՔԻ ԿՈՂՄ» ԻՀԿ-Ի ԻՐԱՎԱՐԱՆԱԿԱՆ ԲԱԺՆՈՒՄ ԱՌԿԱ ԳՈՐԾԵՐԻ ՎԵՐԱԲԵՐՅԱԼ 2023Թ-Ի ԱՊՐԻԼ ԱՄՍՎԱ ՀԱՇՎԵՎՈՒԹՅՈՒՆ-----	7
ՀԱՆՐԱՅԻՆ ՀԱՅՏԱՐԱՐՈՒԹՅՈՒՆ. ՀՈՄՈՖՈՐԻԱՅԻ, ԲԻՖՈՐԻԱՅԻ ԵՎ ՏՐԱՆՍՖՈՐԻԱՅԻ ԴԵՄ ՊԱՅՔԱՐԻ ՄԻՋԱԶԳԱՅԻՆ ՕՐԸ ՀԱՅԱՍՏԱՆՈՒՄ-----	8
ԻՐԱՎՈՒՆՔԻ ԿՈՂՄ ՀԿ-Ի ԾՐԱԳՐԵՐԻ ՂԵԿԱՎԱՐԸ ՄԱՍՆԱԿՑԵԼ Է IDAHOT+ ՖՈՐՈՒՄԻՆ-----	11
ԽՈՍԻՐ ՄԵՆՔ ՔԵԶ ԼՍՈՒՄ ԵՆՔ ԱԴՎՈԿԱՅԻՈՆ ՖՈԼՈՎԱԿ-----	12
ԻՐԱՎՈՒՆՔԻ ԿՈՂՄ ՀԿ-Ն ԿԱՐԵՎՈՐՈՒՄ Է ՄԱՐԴՈՒ ԻՐԱՎՈՒՆՔՆԵՐԻ ԱՐՇԱՎ-Ի ՓՈՔՐ ԴՐԱՄԱՇՆՈՐՀԱՅԻՆ ԾՐԱԳՐ-----	13
ՏՐԱՆՍ ԻՐԱՎՈՒՆՔՆԵՐԻ ՔԱՐՏԵԶ-----	14
ՓՈՔՐ ԴՐԱՄԱՇՆՈՐՀՆԵՐ ՀԱՅԱՍՏԱՆՈՒՄ ՄԵՔՍ ԱՇԽԱՏՈՂՆԵՐԻ ՍՈՑԻԱԼԱԿԱՆ ՆԵՐԱՌԱԿԱՆՈՒԹՅԱՆ ԽԹԱՆՄԱՆ ՀԱՄԱՐ-----	15
ԻՐԱՎՈՒՆՔԻ ԿՈՂՄ ՀԿ-Ի ՆԱԽԱԳԱՀԸ ՄԱՍՆԱԿՑԵԼ Է ԺՈՂՈՎՐԴԱՎԱՐՈՒԹՅԱՆ ՀԱՅԿԱԿԱՆ ՖՈՐՈՒՄԻՆ-----	16

«ՄԵՆԸ ՆՈՒՅՆՆ ԵՆԸ ԲԱԶՄԱԶԱՆՈՒԹՅԱՆ ՄԵԶ»



G | M | F The German Marshall Fund
of the United States
STRENGTHENING TRANSATLANTIC COOPERATION

B | S | T The Black Sea Trust
for Regional Cooperation
A PROJECT OF THE GERMAN MARSHALL FUND

ԻՐԱՎՈՒՆՔԻ ԿՈՐՄ
ԻՐԱՎԱՆՅՅՐԱՆ ՅԱՍՏՐԱԿԱՆ ԿԱԶՄԱԿԵՐՊՈՒԹՅՈՒՆ

Մույն փոդքասթերը պատրաստվել են «Իրավունքի կողմ» իրավապաշտպան հասարակական կազմակերպության կողմից Գերմանական Մարշալ Հիմնադրամի և Սևծովյան Վստահության կազմակերպության ֆինանսական աջակցությամբ:

Մույնի բովանդակությունը և արտահայտված տեսակետները պատկանում են «Իրավունքի կողմ» իրավապաշտպան հասարակական կազմակերպությանը և կարող են չհամընկնել Գերմանական Մարշալ Հիմնադրամի և Սևծովյան Վստահության կազմակերպության տեսակետների հետ:



ԱՐԱԳ ԱՐՁԱԳԱՆՔՄԱՆ ՕԳՆՈՒԹՅՈՒՆ ԲՈՆՈՒԹՅՈՒՆԻՑ ՏՈՒԺԱԾ ՏՐԱՆՍ ԱՆՁԱՆՑ ՀԱՄԱՐ



Իրավունքի Կողմ իրավապաշտպան ՀԿ-ն Արագ Արձագանքման Կանանց Փոնդի ֆինանսական առաջնությունը նախաձեռնում է արագ արձագանքման օգնության ծրագիր բռնության ենթարկված Տրանս անձանց համար: Ծրագիրը հատուկ նախատեսված է այն տրանս անձանց համար, ովքեր ֆիզիկական, սեռական և/կամ այլ բռնության են ենթարկվել սույն թվականի ապրիլի 1-ից հետո ընկած ժամանակահատվածում և իրենց նկատմամբ բռնության դեպքերի մասին ծանուցել են ոստիկանություն, և ներկայումս գործին ընթացք է տրվել:

Այս ծրագրի շրջանակում դիմորդներից պահանջվում է գրավոր դիմում ներկայացնել Իրավունքի Կողմ ՀԿ, որտեղ պարտադիր պետք է նշվի դիմորդի անունը, բռնության դեպքի(երի) ամսաթիվը, բռնության տեսակը, վայրը, մանրամասներ՝ արդյոք բռնությունը դրդված է եղել իրենց գենդերային ինքնությանը, գենդերային արտահայտմամբ կամ սեռական կողմնորոշվածությամբ: Նաև պետք է տեղեկություններ ներառել դեպքի մասին ոստիկանություն ծանուցելուց հետո գործի ընթացքի վերաբերյալ: Դիմորդները պետք է կարողանան հիմնավորել ֆինանսական օգնության հրատապությունը և նշեն հնարավոր հետևանքները, որ կարող են լինել, եթե օգնությունը չտրամադրվի:

Իրավունքի Կողմ ՀԿ-ն ձևավորելու է հատուկ հանձնաժողով, որը պատասխանատու է յուրաքանչյուր դիմումի մանրակրկիտ ուսումնասիրության և կարիքների գնահատման համար: Հանձնաժողովի անդամների կողմից դիմումների ուսումնասիրությունից հետո աջակցության դիմած անձինք պատասխան կստանան տասնօրյա ժամկետում: Օգնության տրամադրելով՝ Իրավունքի Կողմ ՀԿ-ն փորձում է թեթևացնել այն մարտահրավերները, որոնց բռնության ենթարկված Տրանս անձինք բախվում են այս դժվարին փուլում:

Կապ մեզ հետ՝

«Իրավունքի կողմ» իրավապաշտպան ՀԿ

Հեռ.՝ (+374) 11 880770

Էլ. հասցե՝ [rightsiden@gmail.com](mailto:rightsidengo@gmail.com)

Աշխատանքային ժամեր՝ 12:00-19:00

**Դու
միայնակ չես**



ԻՐԱՎՈՒՆՔԻ ԿՈՂՄ ՀԿ-Ն ԻՐԱԿԱՆԱՑՆՈՒՄ Է ՀԵՏԱԶՈՏՈՒԹՅՈՒՆ

Իրավունքի Կողմ իրավապաշտպան կազմակերպությունը մեկնարկել է «Ընտանեկան բռնության ԼԳԲՏՔԻ+ գոհերի իրավիճակը Հայաստանում» հետազոտական ծրագիրը՝ ուսումնասիրելու ու բարձրաձայնելու Հայաստանում Տրանս և ԼԳԲԻՔ անձանց նկատմամբ ընտանեկան բռնության դեպքերը: ԻԼԳԱ Եվրոպայի կողմից ֆինանսավորվող ծրագրի նպատակն է բացահայտել Տրանս և ԼԳԲԻՔ անձանց նկատմամբ ընտանեկան բռնության ձևերն ու դրսևորումները, հաճախականությունը, ինչպես նաև բռնության կիրառման դրդապատճառները, ֆիզիկական և հոգեբանական հետևանքները: Հետազոտությունը նաև հավաքագրելու է վիճակագրական տվյալներ ոլորտում գործող հասարակական կազմակերպություններից և պետական մարմիններից, ինչպիսիք են Ոստիկանությունը, Դատախազությունը, Քննչական կոմիտեն, Հատուկ քննչական ծառայությունը, և վերլուծելու է գործող օրենսդրությունը՝ վեր հանելու առկա օրենսդրական ու ինստիտուցիոնալ բացերը, ուսումնասիրելու և հանդես գալու ոլորտի հետ առնչվող մարմիններին ուղղված առաջարկություններով:

Թեև Հայաստանը քայլեր է ձեռնարկել ընտանեկան բռնության դեմ պայքարելու համար՝ 2017թ-ին ընդունված «Ընտանիքում բռնության կանխարգելման, ընտանիքում բռնության ենթարկված անձանց պաշտպանության և ընտանիքում համերաշխության վերականգնման մասին» օրենքով այն քրեականացնելով, բայց Տրանս և ԼԳԲԻՔ անձանց նկատմամբ առկա խտրականության պատճառով համայնքի անդամները հաճախ չեն հայտնում ընտանեկան բռնության մասին: Բացի այդ, ինչպես փաստում են պետական մարմիններին ուղղված հարցումները, ատելության հիմքով հանցագործությունների դեմ իրավական պաշտպանության և դեպքերի գրանցման բացակայությունը հանգեցրել է Տրանս և ԼԳԲԻՔ անձանց նկատմամբ ընտանեկան բռնության վերաբերյալ տվյալների բացակայության:

Հետազոտության շրջանակում ստանդարտացված հարցման և առցանց հարցաշարի միջոցով ուսումնասիրվելու է 300 դեպք: Դիտարկվելու են հարցված անձանց նկատմամբ ֆիզիկական, հոգեբանական, սեռական, տնտեսական բռնության և անտեսման դեպքերը: Հարցմանը մասնակիցներին հնարավորություն է տրված մասնակցել հարցազրույցին հեռախոսով, առցանց կամ Իրավունքի Կողմ ՀԿ-ի գրասենյակում:

Ովքե՞ր կարող են մասնակցել հարցմանը.

Հետազոտությանը կարող են մասնակցել 16 և բարձր տարիքի Տրանս և ԼԳԲԻՔ անձինք: Իրավունքի Կողմ ՀԿ-ն ապահովելու է հարցվածների անանոնությունն ու տվյալների անվտանգությունը և, հասանելի ռեսուրսների սահմաններում, իրավական և հոգեբանական աջակցություն է տրամադրելու ընտանեկան բռնության ենթարկված անձանց:

Հարցմանը մասնակցելու համար սեղմեք այստեղ:

Հետազոտությունը էական նշանակություն ունի Հայաստանում Տրանս և ԼԳԲԻՔ անձանց նկատմամբ ընտանեկան բռնության դեպքերի տարածումը բացահայտելու և խնդրի լուծման ճանապարհին մարտահրավերներն ու խոչընդոտները վեր հանելու համար: Այն նաև նպատակ ունի արդյունքների հիման վրա առաջարկություններ տրամադրել ոլորտին առնչվող պետական մարմիններին և համագործակցել նրանց հետ:

«Ընտանեկան բռնության ԼԳԲՏՔԻ+ գոհերի իրավիճակը Հայաստանում»




ԱՆԳԼԵՐԵՆԻ ԴԱՍԸՆԹԱՑՆԵՐ

ԻՐԱՎՈՒՆՔԻ ԿՈՂՄ ՀՎ-Ն ՀԱՅՏԱՐԱՐՈՒՄ Է ԵՐԿՈՒ ՆՈՐ ԴԱՍԸՆԹԱՑԻ ԸՆԴՈՒՄԵԼՈՒԹՅՈՒՆ ՏՐԱՆՍ և ԼԳԲԻՔ ԱՆՁԱՆՑ ՀԱՄԱՐ

Իրավունքի Կողմ իրավապաշտպան ՀՎ-ն տրանս և ԼԳԲԻՔ համայնքին աջակցելու և հզորացնելու նպատակով հայտարարում է համայնքի ներկայացուցիչների համար երկու նոր դասընթացի մեկնարկի մասին: Ընդունելությունը Անգլերեն և Գրաֆիկ Դիզայնի դասընթացների համար է, որոնք նպատակ ունեն մասնակիցներին տրամադրել անհրաժեշտ հմտություններ և գիտելիքներ նրանց մասնագիտական կյանքը բարելավելու համար:

Յուրաքանչյուր դասընթաց բաղկացած է լինելու շաբաթական երկու խմբային հանդիպումներից՝ յուրաքանչյուրը 1 ժամ տևողությամբ, որոնք տեղի կունենան Իրավունքի Կողմ ՀՎ-ի համայնքային անվտանգ տարածքում: Անգլերեն լեզվի դասընթացը կենտրոնանալու է գործնական լեզվական հմտությունների վրա՝ կարդալ, գրել և խոսել, մինչդեռ Գրաֆիկ դիզայնի դասընթացը մասնակիցներին կներկայացնի դիզայնի սկզբունքները, ծրագրերը և տեխնիկան: Դասընթացներն իրականացվում են Իրավունքի Կողմ ՀՎ-ի կամավորների կողմից և մեկնարկելու են սույն թվականի հունիսի 1-ից:

Դասընթացները բաց են բոլոր Տրանս և ԼԳԲԻՔ անհատների համար, նախապատվությունը կտրվի ավելի վաղ դիմողներին, քանի որ տեղերը սահմանափակ են: Մասնակցել ցանկացողները պետք է դիմեն Իրավունքի Կողմ ՀՎ-ին էլեկտրոնային փոստով կամ հեռախոսով:



Adobe Photoshop



Adobe Illustrator

ԳՐԱՑԻԿ ԴԻԱՅՆԻ ԴԱՆՍԸՆԹԱՑՆԵՐ

ԱՊՐԻԼ ԱՄՍՎԱ ԸՆԹԱՑՔՈՒՄ ԻՐԱԿԱՆԱՑՎԱԾ ՄԻՋՈՑԱՌՈՒՄՆԵՐԸ



«Իրավունքի կողմ» իրավապաշտպան ՀԿ-ն 2023 թվականի ապրիլ ամսվա ընթացքում կազմակերպության ապահով տարածքում իրականացրել է հետևյալ 4 միջոցառումները

Ապրիլի 7-ին «Լռության օր» համայնքային հանդիպմանը մասնակցել է թվով 12 Տրանս և ԼԳԲԻՔ+, սեքս աշխատող անձինք և համակիրներ:

Ապրիլի 18-ին «Տրանսգենդեր անձանց ՄԻԱՎ-ի դեմ թեստավորման օր» թեմայով համայնքային հանդիպմանը մասնակցել է թվով 17 Տրանս և ԼԳԲԻՔ+, սեքս աշխատող անձինք և համակիրներ:

Ապրիլի 26-ին «Լեսբի անձանց տեսանելիության օր» թեմայով համայնքային հանդիպմանը-կինոդիտմանը մասնակցել է թվով 14 Տրանս և ԼԳԲԻՔ+, սեքս աշխատող անձինք և համակիրներ:

Ապրիլի 28-ին «ԼԳԲԻՔ+ համայնքի անդամների նկատմամբ ընտանեկան բռնություն» թեմայով համայնքային հանդիպմանը մասնակցել է թվով 12 Տրանս և ԼԳԲԻՔ+, սեքս աշխատող անձինք և համակիրներ:

«Իրավունքի կողմ» ԻՀԿ-ն ապրիլ ամսվա ընթացքում ընդունել է թվով 190 Տրանս ԼԳԲԻՔ+ և սեքս աշխատող անձ, որոնք օգտվել են կազմակերպության կողմից իրականացվող հոգեբանական, իրավաբանական, կրթական, տեղեկատվական և սոցիալական ծրագրերի շրջանակներում տրամադրվող ծառայություններից:



ՀԱՇՎԵՏՎՈՒԹՅՈՒՆ

«Իրավունքի կողմ» ԻՀԿ-ի իրավաբանական
բաժնում առկա գործերի վերաբերյալ 2023թ-ի մարտ ամսվա

«ԻՐԱՎՈՒՆՔԻ ԿՈՂՄ» ԻՀԿ-Ի ԻՐԱՎԱԲԱՆԱԿԱՆ ԲԱԺՆՈՒՄ ԱՌԿԱ ԳՈՐԾԵՐԻ ՎԵՐԱԲԵՐՅԱԼ 2023Թ-Ի ԱՊՐԻԼ ԱՄՍՎԱ ՀԱՇՎԵՏՎՈՒԹՅՈՒՆ

2023 թվականի մայիսի 4-ի դրությամբ՝ «Իրավունքի կողմ» ԻՀԿ-ի կողմից ընդհանուր վարվում է թվով 22 գործ, որից 2-ը գտնվում են ՄԻԵԴ-ում, 7-ը՝ դատաքննության փուլում, 11-ը՝ նախաքննության փուլերում:





2023 թվականի ապրիլ ամսին «Իրավունքի կողմ» ԻՀԿ-ի կողմից տրամադրվել է խորհրդատվություն թվով 21 շահառուի:

«Իրավունքի կողմ» ԻՀԿ-ի փաստաբանների կողմից ապահովվել է կազմակերպությունում առկա գործերի ընթացիկ սպասարկումը, մասնավորապես՝ փաստաբանները մասնակցել են 7 դատական նիստի, թվով 7 գործով մասնացել են քննչական գործողությունների:

2023 թվականի ապրիլ ամսվա ընթացքում ստացվել է 6 նոր դիմում՝ իրավաբանական օգնություն ստանալու նպատակով:

«Իրավունքի կողմ» ԻՀԿ-ի

իրավաբանական բաժին



IDAHOBIT 2023



ՀԱՆՐԱՅԻՆ ՀԱՅՏԱՐԱՐՈՒԹՅՈՒՆ. ՀՈՄՈՖՈՒԲԻԱՅԻ, ԲԻՓՈՒԲԻԱՅԻ և ՏՐԱՆՍՖՈՒԲԻԱՅԻ ԴԵՄ ՊԱՅՔԱՐԻ ՄԻՋԱԶԳԱՅԻՆ ՕՐԸ ՀԱՅԱՍՏԱՆՈՒՄ

Ամբողջ աշխարհում մայիսի 17-ը նշվում է որպես հոմոֆոբիայի, բիֆոբիայի և տրանսֆոբիայի դեմ պայքարի միջազգային օր (IDAHOBIT): Այս օրվա նպատակն է բարձրացնել ԼԳԲՏԻՔ անձանց տեսանելիությունը և հասարակության իրազեկվածությունը ԼԳԲՏԻՔ անձանց խնդիրների և նրանց նկատմամբ ատելության հիմքով խտրականությունների ու հանցագործությունների, ինչպես նաև նախապաշարմունքների մասին, որոնք պայմանավորված են սեռական կողմնորոշվածությամբ, գենդերային ինքնությամբ և գենդերային ինքնարտահայտմամբ: Հոմոֆոբիան, բիֆոբիան և տրանսֆոբիան արտահայտվում են ԼԳԲՏԻՔ անձանց հանդեպ տազնապի, ատելության, զայրույթի, անհարմարահանքի և վախի զգացումով:

Որպես Հայաստանում և Հարավային Կովկասում առաջին և առաջատար Տրանս, ԼԳԲԻՔ և սեքս աշխատողների համայնքախեն կազմակերպություն՝ Իրավունքի Կողմ իրավապաշտպան ՀԿ-ն 2016թ.-ից ի վեր աշխատանքներ է իրականացնում՝ պաշտպանելով տրանս, ԼԳԲԻՔ և սեքս աշխատող անձանց իրավունքները: Մեզ համար այսօր առաջնային է նաև մարտահրավեր նետել խտրականությունն ու նախապաշարմունքները հավերժացնող սոցիալական նորմերին, քանի որ այդ պատկերացումների պատճառով է, որ հոմոֆոբիան, բիֆոբիան, ինտերֆոբիան և տրանսֆոբիան այդքան խորապես արմատացած են մեր հասարակությունում:

Ըստ Մարդու Իրավունքների Համընդհանուր Հռչակագրի՝ բոլոր մարդիկ ծնվում են ազատ ու հավասար իրենց արժանապատվությամբ և իրավունքներով (հոդված 1) և յուրաքանչյուր մարդ պետք է ունենա սույն փաստաթղթում հռչակված բոլոր իրավունքներն ու ազատություններն առանց որևէ տարբերության, անկախ ռասայից, մաշկի գույնից, սեռից, լեզվից, կրոնից, քաղաքական և այլ համոզմունքներից, ազգային կամ սոցիալական ծագումից, գույքային, դասային և այլ վիճակից (հոդված 2): Անկախ ՀՀ Մահմանադրությամբ և միջազգային օրենքով սահմանված այս իրավահավասարությանը՝ Հայաստանում Տրանս և ԼԳԲԻՔ անձինք դեռևս շարունակում են բախվել խտրականության, ճնշման և բռնության իրենց կյանքի տարբեր ոլորտներում, ինչի վկայությունն էին ֆիզիկական բռնության և ատելության կոչերի բազմաթիվ դեպքերը վերջին տարիներին: Հասարակության կողմից չընդունվածությունը և պետական համակարգի, մասնավորապես ոստիկանության կողմից անգործությունը հաճախ Տրանս և ԼԳԲԻՔ անձանց անպաշտպան, անօթևան է դարձնում և որոշ դեպքերում անգամ ստիպում փախչել երկրից:

Ցավոք, ՀՀ կառավարությունը անհրաժեշտ ուշադրություն չի դարձնում այս հրատապ խնդիրների լուծմանը, խտրականության դեմ պայքարի քաղաքականությունը անարդյունավետ է, իսկ Տրանս և ԼԳԲԻՔ անձանց մարտահրավերները մարզինալացված, ինչը հանգեցնում է համայնքի ներկայացուցիչների կողմից պետության նկատմամբ վստահության բացակայության:

Չանգվածային լրատվության միջոցներով ևս Տրանս և ԼԳԲԻՔ անձանց նկատմամբ խտրականությունը և բռնությունը չի լուսաբանվում, իսկ թեմային անդրադարձ կատարվում է միայն ներքաղաքական շահարկումների, խտրականության ամրապնդման և ատելության խոսքի տարածման շրջանակներում:

Կարևոր է նշել, որ Հայաստանի Հանրապետությունում ատելության հողի վրա գենդերային հիմքով հանցագործություններին, խտրականությունից պաշտպանված լինելուն, գենդերի իրավական ճանաչմանը, սեռափոխության վիրահատությանը և հորմոնաթերապիային առընչվող իրավական ակտերի բացակայության պատճառով՝ սահմանափակվում են տրանսգենդեր անձանց հիմնարար ազատությունները, ինչպիսիք են ազատ տեղաշարժի իրավունքը, կրթություն ստանալու իրավունքը, ընտանիք կազմելու իրավունքը և այլն: Այս հիմնախնդիրները մեկուսացնում են տրանսգենդեր անձանց հասարակությունից, տրանսգենդեր անձիք շատ դեպքերում՝ վարում են փակ կյանք, ենթարկվում ծաղրանքի և ատելության:

Իրավունքի Կողմ ՀԿ-ի առաջնահերթություններից է Տրանս և ԼԳԲԻՔ անձանց տեսանելիության բարձրացումը, ատելության հիմքով հանցագործությունների և խտրականության դեպքերը արձանագրումը և այդ խնդիրները ներպետական և միջազգային հարթակներում ներկայացնելը: Հիմնադրումից ի վեր՝ Իրավունքի Կողմ ՀԿ-ի կողմից ՀՀ պետական մարմինների հետ Տրանս և ԼԳԲԻՔ անձանց իրավունքների պաշտպանությանն ուղղված աշխատանքների հիման վրա վերջին տարիներին գրանցել ենք հետևյալ առաջխաղացումները՝

Քաղաքացիական Կացության Ակտերի Գրանցման գործակալությանը (ՔԿԱԳ) հետ փոխհամագործակցության արդյունքում հեշտացվել է տրանսգենդեր անձանց անվանափոխության գործընթացը, ինչը այժմ հնարավոր է կատարել առանց նախկինում պարտադիր համարվող անվանափոխվող անձի տրանսգենդեր լինելը փաստող 3 անձանց վկայության և պարտադիր հոգեբանական եզրակացության:

2018 թ.-ին Իրավունքի Կողմ ՀԿ-ի իրավաբանական թիմի ջանքերով առաջին անգամ Դատարանի կողմից ճանաչվել է սեռական կողմնորոշման և (կամ) գենդերային ինքնությամբ պայմանավորված խտրականության հիմքով իրավունքների խախտումը:

2022 թ.-ին Իրավունքի Կողմ ՀԿ-ն հիմնել է Տրանս ԼԳԲԻՔ համայնքային ապահով կենտրոն, որտեղ արդեն հարյուրավոր ԼԳԲՏԻՔ անձինք, ինչպես նաև նրանց ընտանիքի անդամները ստացել են իրավական և հոգեբանական խորհրդատվություն և աջակցություն, մասնակցել տարատեսակ կրթական, ժամանցային հանդիպումների և քննարկումների, օգտվել համակարգչային և օտար լեզվի դասընթացներին մասնակցելու հնարավորությունից:

Այս տարի, ի նշան IDAHOBIT-ի, Իրավունքի Կողմ ՀԿ-ն, ի թիվս այլ միջոցառումների, իրականացրել է նաև սոցիալական հարցում Երևանում, որի նպատակն էր բացահայտել հասարակության վերաբերմունքը ԼԳԲՏԻՔ անձանց նկատմամբ և ստացած պատասխանները փաստում են, որ Հայաստանը դեռևս մեծ է խտրականությունը ԼԳԲՏԻՔ անձանց նկատմամբ: Այս վիճակագրությունը մտահոգիչ է և ամրապնդում է իրազեկվածության ու իրավունքների պաշտպանության ուղղությամբ աշխատանքների հրատապությունը: Իրավունքի Կողմ ՀԿ-ն հավատարիմ է մնում խտրականությունը վերջ դնելու և բարեփոխումներին աջակցելու իր քաղաքականությանը՝ հանուն խտրականությունից և բռնությունից զերծ աշխարհի, որտեղ յուրաքանչյուր անհատի կստանա արժանապատիվ և հարգալից վերաբերմունք՝ անկախ գենդերային ինքնությունից, սեռական կողմնորոշվածությունից և գենդերային ինքնասարտահայտումից:

IDAHOBIT
2023

IDAHOBIT

2023

Նշելով հոմոֆոբիայի, բիֆոբիայի և տրանսֆոբիայի դեմ պայքարի միջազգային օրը Հայաստանում՝ կոչ ենք անում՝

Պետական մարմիններին՝

- իրականացնել համապատասխան իրավական քայլեր ապահովելու տրանսգենդեր անձանց իրավական գենդերի ճանաչումը և անվանափոխությունը՝ հիմնվելով ինքնորոշման իրավունքի, հոգևոր և ֆիզիկական անձեռնմխելիության վրա՝ վերացնելով հարկադրական բժշկական միջամտությունների պահանջը:
- թարմացնել իրավահավասարության մասին օրենքի նախագիծը՝ ներառելով խտրականության արգելքը՝ պայամանավորված գենդերային ինքնությամբ և գենդերային ինքնարտահայտմամբ:
- օրենքով ապահովել ատելության հիմքով հանցագործություններից և ատելության խոսքից տրանսգենդեր անձանց պաշտպանվածությունը, վարել միջադեպերի փաստագրումը և ինչպես ԵԱՀԿ մասնակից այլ երկրներ ներկայացնել հաշվետվություններ:
- ՀՀ կրթական համակարգում գործող ընթացիկ ուսումնական ծրագրերը տրանսգենդեր անձանց իրավունքների տեսանկյունից դարձնել ներառական և ուսուցանել ներառականություն, սեռականություն և գենդերային հիմնահարցեր:
- իրականացնել համապատասխան միջոցառումներ՝ տրանսգենդեր անձանց նկատմամբ կատարված բռնության, ատելության և խտրականության բոլոր դեպքերը արդարացիորեն ուսումնասիրելու համար:
- դադարեցնել ատելության, խտրականության եւ ծաղրանքի խրախուսանքը տրանսգենդեր անձանց հանդեպ՝ ԼԳԲՏ խնդիրների քաղաքականացման միջոցով:

ՀՀ ոստիականությանը՝

- ՀՀ ոստիականությանը, դատախազությանը, մարդու իրավունքների պաշտպանին և պատկան մարմիններին ապահովել Տրանս ԼԳԲԻԶ անձանց անվտանգությունը և ՀՀ սահմանադրությամբ նրանց տրված բոլոր իրավունքները:

ՉԼՄ-ներին՝

- խուսափել սխալ և ապակողմնորոշող տերմինաբանության կիրառումից և դադարեցնել խտրականության քարոզը տրանսգենդեր մարդկանց հանդեպ:
- տրանսգենդեր անձանց վերաբերող հարցերը լուսաբանել ներառականության և զգայունության սկզբունքներից ելնելով:
- դադարել սնել թյուր նախապաշարմունքները և կարծրատիպերը տրանսգենդեր անձանց մասին՝ ներկայացնելով նրանց որպես հիվանդ մարդկանց, ովքեր ցանկանում են ոչնչացնել հայկական ավանդույթները եւ մշակույթը:
- հարգել տրանսգենդեր անձանց անձնական կյանքը և համագործակցել տրանսգենդեր անձանց հետ՝ նրանց մասին լրատվական նյութեր պատրաստել ցանկանալիս:

ԻՐԱՎՈՒՆՔԻ ԿՈՂՄ ՀԿ-Ի ԾՐԱԳՐԵՐԻ ՂԵԿՎԱՐՐԸ ՄԱՍՆԱԿՅԵԼ Է IDAHOT+ ՖՈՐՈՒՄԻՆ

«Իրավունքի կողմ» իրավապաշտպան հասարակական կազմակերպության ծրագրերի ղեկավարը սույն թվականի մայիսի 11-ին Ռեյկյավիկում մասնակցել է IDAHOT+ ֆորումին, որի նպատակն էր խթանել ԼԳԲՏԻ+ անձանց իրավունքները և ամրապնդել համագործակցությունը շահագրգիռ կողմերի միջև: Փորումը իրականացվել է Եվրոպայի խորհրդի աջակցությամբ այն հարթակ է ծառայել Եվրոպական երկրների կառավարությունների, միջազգային կազմակերպությունների, քաղաքացիական հասարակության խմբերի և հիմնական շահագրգիռ կողմերի համար՝ ԼԳԲՏԻ+ անձանց իրավունքների առաջընթացը գնահատելու, ձեռքբերումները տոնելու և ԼԳԲՏԻ+ իրավունքների պաշտպանության համար նոր նպատակներ սահմանելու համար: Որպես Հայաստանում և Հարավային Կովկասում առաջին և առաջատար Տրանս, ԼԳԲԻՔ և սեքս աշխատողների համայնքախեմ կազմակերպություն՝ «Իրավունքի կողմ» իրավապաշտպան ՀԿ-ն ևս մասնակցում էր IDAHOT+ ֆորումին:

«Իրավունքի կողմ» ՀԿ-ի ծրագրերի ղեկավարը ելույթ ուենցավ ֆորումի «Աջակցություն սպառնալիքի տակ գտնվող ԼԳԲՏԻ+ անձանց իրավունքների պաշտպաններին» հատվածում, որը կենտրոնացած էր խտրականության բարձր մակարդակ ունեցող երկրներում աշխատող և ակտիվիստական գործունեություն ծավալող ԼԳԲՏԻ+ իրավապաշտպանների առջև ծառայած մարտահրավերների վրա: Նա ելույթի ընթացքում ներկայացրեց ԼԳԲՏԻ+ անձանց իրավիճակը Հայաստանում նշելով առկա օրենսդրական բացերի և կազմակերպության կողմից իրականացված աշխատանքների մասին: Բննարկման ընթացքում առանձնացվեց նաև միջազգային կազմակերպությունների կողմից անհրաժեշտ աջակցության մասին, որը կապահովի ԼԳԲՏԻ+ իրավապաշտպանների անվտանգությունն ու բարեկեցությունը: «Իրավունքի կողմ» ՀԿ-ն կարևորում է IDAHOT+ ֆորումին մասնակցությունը և փորձի փոխանակումը գործընկեր կազմակերպությունների հետ, ինչը նպաստում է ԼԳԲՏԻՔ անձանց կյանքի որակի բարելավմանը և իրավունքների պաշտպանվածությանը ՀՀ-ում:

IDAHOT+ ֆորումի ամբողջական տեսագրությունը կարող եք դիտել այստեղ՝




Իրավունքի կողմ կկ-ի ծրագրերի ղեկավարը մասնակցել է

**IDAHOT+
FORUM 2023**

Ռեյկյավիկ • Իսլանդիա






Մույն տեսանյութը ներկայացնում է հարցազրույցների շարք Հայաստանում ԼԳԲՏԻՔ իրավապաշտպան կազմակերպությունների ներկայացուցիչների (Լիլիթ Մարտիրոսյան - «Իրավունքի կողմ» իրավապաշտպան ՀԿ, Լարա Ահարոնյան - «Կանանց ռեսուրսային կենտրոն» ՀԿ, Նինա Կարապետյանց - «Հեյսինկյան ասոցիացիա» ՀԿ, Անուշ Գաբրիելյան - «Սեռական բռնության ճգնաժամային կենտրոն» ՀԿ, Գոհար Շահնազարյան - Հայաստանում կանանց հիմնադրամ) հետ՝ նվիրված հոմոֆոբիայի, բիֆոբիայի և տրանսֆոբիայի դեմ պայքարի միջազգային օրվան (**#IDAHOBIT**-ին), ինչպես նաև ներառում է Երևանում իրականացված սոցիալական հարցում՝ ԼԳԲՏԻՔ անձանց վերաբեյալ հասարակության վերաբերմունքը պարզելու նպատակով:

Տեսանյութը նկարահանվել է «Իրավունքի կողմ» իրավապաշտպան հասարակական կազմակերպության կողմից Գերմանական Մարշալ Հիմնադրամի և Սևծովյան Վստահության կազմակերպության ֆինանսական աջակցությամբ:

Մույնի բովանդակությունը և արտահայտված տեսակետները պատկանում են «Իրավունքի կողմ» իրավապաշտպան հասարակական կազմակերպությանը և կարող են չհամընկնել Գերմանական Մարշալ Հիմնադրամի և Սևծովյան Վստահության կազմակերպության տեսակետների հետ:

© Մույն տեսահոլովակի հեղինակային իրավունքները պաշտպանված են և պատկանում են «Իրավունքի կողմ» իրավապաշտպան հասարակական կազմակերպությանը:



*ԻՐԱՎՈՒՆՔԻ ԿՈՂՄ ՀԿ-Ն ԿԱՐՆՈՐՈՒՄ Է
ՄԱՐԴՈՒ ԻՐԱՎՈՒՆՔՆԵՐԻ ԱՐՇԱՎ-Ի ՓՈՔՐ ԴՐԱՄԱՇՆՈՐՀԱՅԻՆ ԾՐԱԳՐ*

Անցած երեք տարիների ընթացքում Human Rights Campaign-ը իր ուշադրության կենտրոնում է պահել ամբողջ աշխարհում ԼԳԲՏԶ+ համայնքի նկատմամբ շարունակվող բռնությունը և խտրականությունը: Կազմակերպությունը տարիներ շարունակ տրամադրում է փոքր դրամաշնորհներ աշխարհում ԼԳԲՏԻՔ կազմակերպություններին, որի շրջանակներում այս տարի Իրավունքի Կողմ իրավապաշտպան ՀԿ-ն կազմակերպել էր դասընթաց ԼԳԲՏԻՔ+ ակտիվիստների համար՝ «Պաշտպանում ենք մեր իրավունքները» թեմայով: Մասնակիցները ձեռք են բերել մարդու իրավունքների պաշտպանության և ռազմավարական հաղորդակցման հմտություններ, որոնք կօգտագործեն տարբեր համայնքներում գործունեություն ծավալելու համար:

@Human Rights Campaign




Տրանս իրավունքների քարտեզ

Եվրոպա և կենտրոնական ասիա 2023



Տրանս իրավունքների քարտեզ



Այս քարտեզը ցույց է տալիս, թե ինչքանով են տրանս անձինք պաշտպանված կյանքի տարբեր ոլորտներում: Որքան մուգ գույնը, այնքան բարձր է պաշտպանվածության մակարդակը:

0

30



Downloaded from transrightsmap.tgeu.org on 5/26/2023

Տրանսգենդեր Եվրոպան հրապարակել է 2023թ.-ի տրանս իրավունքների քարտեզը և ինդեքսը: Այն Եվրոպայում և Կենտրոնական Ասիայում տրանս իրավունքների համապարփակ վերլուծություն է, որը արդեն մեկ տասնամյակ տվյալներ է հավաքագրում տրանս անձանց նկատմամբ կիրառվող իրավական և քաղաքական գործընթացների վերաբերյալ:

ՓՈՔՐ ԴՐԱՄԱՇՆՈՐՆԵՐ ՀԱՅԱՍՏԱՆՈՒՄ ՍԵՔՍ ԱՇԽԱՏՈՂՆԵՐԻ
ՍՈՑԻԱԼԱԿԱՆ ՆԵՐԱՌԱԿԱՆՈՒԹՅԱՆ ԽԹԱՆՄԱՆ ՀԱՄԱՐ



Հունիսի 2-ին՝ Սեքս աշխատողների միջազգային օրվան ընդառաջ, «Իրավունքի կողմ» իրավապաշտպան հասարակական կազմակերպությունը Կարմիր Հովանոց հիմնադրամի ֆինանսական աջակցությամբ հայտարարում է ենթադրամաշնորհային ծրագիր Երևանից և ՀՀ բոլոր մարզերից սեքս աշխատող անհատների, ակտիվիստների, համայնքի ներկայացուցիչների խմբերի և սեքս աշխատող անձանց խնդիրներով զբաղվող հասարակական կազմակերպությունների համար:

Ենթադրամաշնորհային նախագծերը պետք է ունենան նպատակային ուղղվածություն և ծառայեն Հայաստանում սեքս աշխատողների սոցիալական ներառականության (քաղաքացիական ակտիվություն, սեքս աշխատող երիտասարդների և համայնքի ներկայացուցիչների հզորացում և այլն): Նախատեսվող նախագծի բյուջեն չպետք է գերազանցի 500 եվրոն (202,490 դրամը)՝ հարկերը ներառյալ: Առաջնահերթություն կտրվի սեքս աշխատողների խնդիրների տեսանելիությունը բարձրացնող, համայնքի նկատմամբ խարանդ և խտրականությունը նվազեցնող և ճշգրիտ տեղեկատվություն տրամադրող նախաձեռնություններին: Նախագծերը կարող են ունենալ ստեղծարար բովանդակություն, օրինակ հոլովակների, պոդքասթերի նկարահանում, լուսանկարների ցուցադրություն, ինչպես նաև սեքս աշխատողների սոցիալական ներառականությանը նպաստող հանդիպումներ, քննարկումներ և այլն:

Դիմելու համար անհրաժեշտ է լրացնել կից հայտը

Մրցույթին դիմելու վերջնաժամկետը հուլիսի 15-ն է: «Իրավունքի կողմ» ՀԿ-ն հայտերը ուսումնասիրելու համար ձևավորելու է մրցութային հանձնաժողով, որը կգնահատի դիմորդների ներկայացրած նախագծերը՝ ըստ նախատեսվող գործողությունների իրագործելիության, կարիքների գնահատման, ծախսերի արդյունավետության, նախագծի նկարագրության հստակության և մրցույթի նպատակներին համապատասխանելիության: Մրցութային հանձնաժողովը արդյունքների մասին դիմորդներին կտեղեկացնի օգոստոսի 1-ին:

Հարցերի կամ հավելյալ տեղեկությունների համար կապ հաստատեք մեզ հետ՝

«Իրավունքի կողմ» իրավապաշտպան ՀԿ



Ժողովրդավարության ու մարդու իրավունքների պաշտպանությանը ազգային անվտանգության մարտահրավերների պայմաններում



UNION OF INFORMED CITIZENS


*ԻՐԱՎՈՒՆՔԻ ԿՈՂՄ ՀԿ-Ի ՆԱԽԱԳԱՀԸ ՄԱՍՆԱԿՑԵԼ Է
ԺՈՂՈՎՐԴԱՎԱՐՈՒԹՅԱՆ ՀԱՅԿԱԿԱՆ ՖՈՐՈՒՄԻՆ*

Այսօր՝ մայիսի 31-ին, «Իրազեկ քաղաքացիների միավորում» ՀԿ-ն և Ֆրիդըմ Հաուս միջազգային կազմակերպությունը համատեղ կազմակերպել էին Ժողովրդավարության Հայկական Ֆորումը, որը այս տարի անցկացվում էր «Ժողովրդավարության ու մարդու իրավունքների պաշտպանությունը՝ ազգային անվտանգության մարտահրավերների առկայության պայմաններում» խորագրի ներքո: Այն նպատակ ուներ միավորելու քաղհասարակության, ՀՀ պետական մարմինների, ՉԼՄ ներկայացուցիչների, դիվանագիտական և փորձագիտական համայնքի շահագրգիռ կողմերին՝ համատեղ վերլուծելու և քննարկելու Հայաստանում ժողովրդավարական բարեփոխումների առջև ծառայած հրատապ խնդիրները՝ անվտանգային ներկայիս մարտահրավերների առկայության պայմաններում: Ֆորումին հրավիրված էր նաև «Իրավունքի կողմ» իրավապաշտպան ՀԿ-ի նախագահ Լիլիթ Մարտիրոսյանը:

Ներկաներին բացման խոսքով ողջունեցին ՀՀ վարչապետ Նիկոլ Փաշինյանը, Հայաստանում Եվրոպական միության պատվիրակության ղեկավար, դեսպան Անդրեա Վիկտորինը և Ֆրիդըմ Հաուսի Եվրոպայի և Եվրասիայի ծրագրերի տնօրեն Մարկ Բեհրենդտը: Ֆորումի՝ «Անվտանգության բարդ միջավայրում մարդու իրավունքների խթանում և պաշտպանություն» պանելային քննարկման ժամանակ ելույթ ունեցավ Ֆրիդըմ Հաուսի Եվրոպայի և Եվրասիայի ծրագրերի տնօրեն Մարկ Բեհրենդտը, ով, խոսելով Հայաստանում առկա տարբեր մարտահրավերների մասին, անդրադարձավ նաև «Իրավունքի կողմ» իրավապաշտպան ՀԿ-ի իրավական գեկույցում փաստագրված տրանսգենդեր անձանց նկատմամբ բռնության դեպքերին:

«Իրավունքի կողմ» ՀԿ-ն կարևորում է Ժողովրդավարության Հայկական Ֆորումի կազմակերպումը, որտեղ, ի թիվս այլ մարտահրավերների, բարձրաձայնվում են «Իրավունքի կողմ» ՀԿ-ի շահառուների հիմնախնդիրները և քննարկվում են հետագա քայլերը, որոնք անհրաժեշտ են այդ խնդիրների լուծման համար: Տրանս և ԼԳԲԻԶ անձանց աջակցելը Հայաստանի Հանրապետությունում ժողովրդավարության ամրապնդման և իրավական հավասարության հաստատման անբաժանելի մասն է: «Իրավունքի կողմ» ՀԿ- հետևողականորեն շարունակելու է փաստագրել բռնության և խտրականության դեպքերը և բարձրաձայնել դրանց մասին ներպետական և միջազգային հարթակներում, որպեսզի յուրաքանչյուր անհատ ստանա արժանապատիվ և հարգալից վերաբերմունք՝ անկախ սեռական կողմնորոշումից և գենդերային ինքնությունից:





ԻՐԱՎՈՒՆԵՔԻ ԿՈՂՄ

ԻՐԱՎԱԳԱՆՏԳԱՆ ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆ



RightSideNGO.com



rightsidengo@gmail.com



RightSideNGO



RightSideNGO



RightSideNGO



+374 - 11 - 880 - 770